

# Alkitab Sagan Kakanakan Mengenal akan

## Daud si anak Gambala



Panulis: Edward Hughes

Nang manggambar: Lazarus  
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Batahun-tahun nang lalu, pas pamarintahan Raja Saul di Israel, saurang anak lakian bangarang Daud manulung katujuh urang kakaknya hagan manjaga kawananan dumba abah buhannya.



Biar inya nang taanum, Daud saurang nang kuat,  
saurang anak lakian nang wani nang managsihi lawan  
parcaya ka Tuhan. Inya badiam di kuta nang  
bangarang Betlehem.



Saikung singa manyarang kawanan dumba ngintu mancuba manangkap saikung anak dumba hagan makan malam. Daud anum malawan si panyarang. Manarik dumba ngintu, inya manangkap binatang ngintu di janggutnya lawan mambunuhnya. Daud tahu Allah manulungnya.



Samuel, nabi Tuhan, maasih marasa sedih ulih Saul gagal manaati Tuhan. "Barapa lawan ikam pacangan sedih tarus hagan Saul?" Tuhan manyariki Samuel. "Aku mangirim ikam ka rumah Isai ... Aku sudah manyiapakan saurang raja matan antara anak-anaknya."



Isai adalah abah Daud. Amun Samuel tahu amun Raja Saul pacangan mambunuh inya ulih tulak hagan manamuakan saurang raja nang lain, nabi ngini manaati Tuhan.





Pas Samuel datang, Isai manyuruh tujuh urang anaknya hagan lalu di muka Samuel. Lawan Samuel baucap ka Isai, "Tuhan kada mamilih buhannya samunyaan." Tatinggal Daud, si bungsu. Inya ada di pahumaan lawan dumba-dumbanya. Buhannya mambawa Daud masuk, lawan Tuhan baucap, "Bangunlah, urapilah inya; nginilah inya."





Di istana Saul, Ruh matan Tuhan maninggalakan Saul lawan inya manjadi saurang nang bamasalah banar. Palayan-palayannya bapikir amun musik nang bagus

pacangan mananangkanan pikiran Saul. Salah saurang matan buhannya manganal saurang


anak anum nang bisa mamainkan kacapi lawan baik banar. Bisakah ikam mananguhi siapa anak anum ngintu? Ya bujur, inya Daud.



Musik Daud mananangkan Saul lawan manulung inya hagan bisa bapikir lawan bujur. Saul maminta Isai hagan mambiarakan Daud badiam lawan malayani si Raja. Amun Saul mandapatakan sarangan depresi atauwa katakutan, Daud mamainkan kacapi hagan inya.



Imbah Dauda bulik ka rumah, Saul baparang ganal lawan urang-urang Filistin. Kakak-kakak Daud baparang basama tantara-tantara Saul. Isai mangirim Daud ka medan parang hagan mangirimakan makanan ka kakak-kakaknya lawan mangatahui kayapa kaadaan buhannya di sana.



Saurang raksasa Filistin nang ganal banar, Goliat, maulah samunyaan tantara Israel takutan.




“Pilihlah saurang matan buhannya, lawan biarakan inya turun mandapatakan aku!” Goliat basaru. “Amun inya dapat baparang malawan aku lawan mambunuh aku, maka kami pacangan manjadi hambamu.



Tapi amun aku dapat mambunuh inya, maka buhannya harus jadi hamba kami lawan malayani kami." Samunyaan urang Israel, pas buhannya malihat si raksasa, bukah manjauhi inya lawan katakutan banar.



Imbah ngintu Daud baucap ka Saul, "Jangan ada saurangpun manjadi tawar hati ulih inya; hambamu ngini pacangan tulak malawan urang Filistin ngintu." Saul handak Daud mamakai baju zirah lawan mambawa padang. Tapi, Daud maambil katapelnya lawan mamilih lima batu nang malincar matan sungai.



Goliath tawatawa pas inya malihat Daud anum kada mamakai baju zirah. "Aku pacangan mambariak dagingmu ka burung-burung di udara lawan ka binatang-binatang di pahumaan!" Inya bakuciak.

"Aku mandatangi ikam lawan nama TUHAN!" Daud manjawab.

"Hari ngini jua Tuhan pacangan manyarang ikam kadalam tanganku ... sabab di tangan TUHAN lah

partampuran ngini!"






Imbah Daud bukah  
lurus ka arah  
Goliat. Pas inya  
bukah, inya  
manembakakan  
sabuah batu matan  
katapelnya-kana  
tapat di dahi  
Goliat. Goliat  
gugur!



Lawan lakas Daud manarik padang si raksasa Goliat lawan manatak kapalanya. Pas urang-urang Filistin malihat Goliat mati, buhannya bukahan manyalamatakan dirinya saurang.




Raja Saul kada ingat amun urang ngini adalah Daud nang sama nang mamainkan kacapi hagan inya. Inya mamasukakan Daud dalam pasukannya, imbah marasa camburu pas urang-urang manghargai kamanangan-kamanangan Daud.



“Wahini napalagi nang bisa inya dapatakan lawas-lawas karajaan ngini pacangan gugur ka inya jua?”


Saul bapikir. Jadi Saul mangawasi Daud mulai matan hari ngintu.



Lagi, Raja Saul taganggu pikirannya. Jadi Daud mamainkan musih lawan mancuba mananagakan inya. Talu kali Saul manawak tumbaknya ka Daud. Tapi satiap kali Daud bisa manghidarinya. Saul marasa takut ka

Daud,

sabab Saul tahu TUHAN basarta lawan Daud, tapi sudah maninggalakannya.



Tapi Yonata, anak lakian Saul, mangasihi Daud kaya dansanaknya. "Abahku Saul mancuba mambunuhmu," inya mamparingatakan Daud. Jadi Daud malariakan diri. Bininya maandak boneka di wadah kaguringannya, lawan mambiarakan inya kaluar matan jandela pas tengah malam. Pas urang-urang Saul datang di subuh harinya, Daud sudah tulak



Daud harus mangungsi jauh matan Saul. Sabalum inya malakuakannya, inya lawan Yonatan maulah sabuting parjanjian basama. Buhannya bajanji pacangan salalu manulung saikung lawan nang lain.



Lawan parasaan sadih, kadua sahabat ngintu bapamitan. Daud mencari wadah di mana inya kawa hidup tanpa rasa takut amun tantara-tantara Saul pacangan manamuakan inya.





Daud si anak Gambala

Sabuting kisah matan Firman Tuhan, Alkitab

Taulih dalam

1 Samuel 16-20

"Amun tabuka, firman-firmanPian mambari  
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

